



НИЙСЛЭЛИЙН ЭРҮҮЛ МЭНДИЙН ГАЗРЫН ДАРГЫН ТУШААЛ

2022 оны 10 сарын 24 өдөр

Дугаар А/216

Улаанбаатар хот

┌ Арга хэмжээ зохион байгуулах тухай ┐

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 67 дугаар зүйлийн 67.5, Эрүүл мэндийн тухай хуулийн 12 дугаар зүйлийн 12.1.4, Төсвийн тухай хуулийн 16 дугаар зүйлийн 16.5.5, МУ-ын Шадар сайд, ЭМС-ын хамтарсан 2019 оны “Эрүүл мэндийн тусламж, үйлчилгээний чанар, аюулгүй байдлын албаны дүрэм батлах тухай” 116/565 дугаар тушаал, Газрын дүрмийн 4 дүгээр зүйлийн 4.1.2, 4.1.16, 4.1.29, 7 дугаар зүйлийн 7.1.1, 7.1.19 дүгээрт заасныг тус тус үндэслэн ТУШААХ нь:

1. Эрүүл мэндийн тусламж, үйлчилгээнд бүтээлч, оновчтой санал, санаачлага, тэргүүн туршлагыг нэвтрүүлэх, түгээн дэлгэрүүлэх зорилго бүхий “Сайн туршлага-2022” арга хэмжээг 2022 оны 10 дугаар сарын 31-ний өдөр зохион байгуулсугай.
2. “Сайн туршлага-2022” арга хэмжээний удирдамжийг нэгдүгээр, ажлын хэсгийн бүрэлдэхүүнийг хоёрдугаар, шалгуур үзүүлэлтийг гуравдугаар, шаардагдах төсвийг дөрөвдүгээр хавсралтаар тус тус баталсугай.
3. “Сайн туршлага-2022” арга хэмжээг нэгдсэн удирдлага, арга зүйгээр ханган, холбогдох байгууллагуудтай хамтран зохион байгуулж, сурталчилж, дэлгэрүүлж ажиллахыг Ажлын хэсэгт үүрэг болгосугай.
4. Эмнэлгийн тусламж үйлчилгээний чанар сайжруулах “Сайн туршлага”-ын санг өдөрлөг- үзэсгэлэнд тусгайлан танилцуулахыг харьяа байгууллагын дарга, чанарын удирдлага, аюулгүй байдлын хэлтэс /Э.Энхжаргал/-т тус тус үүрэг болгосугай.
5. Дээрх арга хэмжээнд шаардагдах 15,230,000 /Арван таван сая хоёр зуун гучин мянга/ төгрөгийг холбогдох зардлаас санхүүжүүлэхийг Ахлах нягтлан бодогч /О.Золзаяа/-д зөвшөөрсүгэй.
6. Тушаалын хэрэгжилтэд хяналт тавьж ажиллахыг Хяналт, шалгалт үнэлгээний хэлтэс /Н.Дашдондог/-т үүрэг болгосугай.

ДАРГЫН АЛБАН ҮҮРГИЙГ ТҮР
ОРЛОН ГҮЙЦЭТГЭГЧ

Б.БЯМБАДОРЖ



Нийслэлийн Эрүүл мэндийн газрын даргын
2022 оны 10 сарын 24-ний өдрийн 446 дугаар
тушаалын нэгдүгээр хавсралт



“САЙН ТУРШЛАГА-2022” АРГА ХЭМЖЭЭНИЙ УДИРДАМЖ

Зорилго:

Нийслэлийн эрүүл мэндийн байгууллагын тусламж үйлчилгээнд тэргүүн туршлага нэвтрүүлэх, бүтээлч, оновчтой санал, санаачлагыг дэмжих замаар тусламж, үйлчилгээний чанар, хүртээмжийг сайжруулах.

Хийгдэх үйл ажиллагаа

1. Нийслэлийн эрүүл мэндийн газрын харьяа байгууллагуудын дунд “Сайн туршлага-2022” арга хэмжээг зохион байгуулна.

2. НЭМГ-ын харьяа байгууллагуудаас “Сайн туршлага-2021” арга хэмжээнд сурталчилагдсан шинэ бүтээл, технологи, арга аргачлалаас эмчилгээ, оношилгоо, сувилгаа, үйлчилгээндээ нэвтрүүлэн, нутагшуулж дэлгэрүүлсэн байгууллагуудын үйл ажиллагааны үр дүнгийн тайланг хүлээн авч, үнэлж, урамшуулна.

3. Эрүүл мэндийн байгууллагуудаас эмнэлгийн тусламж, үйлчилгээнд 2022 онд шинээр нэвтрүүлсэн шилдэг сайн туршлага, шинэ бүтээл, оновчтой санал, санаачилга бүхий бүтээлээр үзэсгэлэн гаргаж сурталчилах, туршлагаа хуваалцах, шилдэг технологийг шалгаруулж, урамшуулна.

4. Эмнэлгийн тусламж, үйлчилгээг сайжруулахад дэвшил гарган шилдэгээр шалгарсан болон гэрчилгээ авсан сайн туршлагыг түгээн дэлгэрүүлэх үйл ажиллагааг 12 сард багтаан зохион байгуулна.

5. Шилдэг номинатид шалгарсан 12 бүтээл, шилдэгээр шалгарсан 20 болон нийтийн хүртээл болохуйц сайн туршлага танилцуулгыг эмхэтгэн Сайн туршлага-2021 товхимолд хэвлүүлж, цахим санд байршуулна. Мөн Нийслэлийн өдрийн арга хэмжээний үзэсгэлэнд тавилцуулагдана.

Хамрах хүрээ:

Нийслэлийн Эрүүл мэндийн газрын харьяа эрүүл мэндийн байгууллагууд, урилгаар төв эмнэлэг, тусгай мэрэгжлийн төв

Зохион байгуулагч байгууллага:

Нийслэлийн Эрүүл мэндийн газар
Эрүүл мэндийн чанарын холбоо

Хугацаа:

1. Сайн туршлага 2022” арга хэмжээнд оролцох анхан шатны шалгаруулалтыг харьяа эрүүл мэндийн байгууллагууд өрхийн эрүүл мэндийн төв, тасаг нэгжийн дунд 2022 оны 10 дугаар сарын 24-ий дотор зохион байгуулна.
2. “Сайн туршлага-2022” арга хэмжээний шилдэг бүтээлийг шалгаруулах үйл ажиллагааг 2020 оны 10 дугаар сарын 31-ний өдөр зохион байгуулна.

3. Шилдгээр шалгарсан болон гэрчилгээ авсан байгууллагын сайн туршлагыг түгээн дэлгэрүүлэх арга хэмжээг 2022 оны 12 дугаар сар, 2023 оны 1 дүгээр улирлыг дуустал тус тус зохион байгуулна.

“Сайн туршлага-2022” арга хэмжээнд оролцох бүтээлийн чиглэл:

1. Эмнэлгийн тусламж, үйлчилгээг хөнгөвчлөх, хүртээмж сайжруулах асуудлыг шийдвэрлэн ажилласан бүтээл,
2. Шинээр нэвтрүүлсэн эмчилгээний технологи, хэрэгжилтийн үр дүн
3. Шинээр нэвтрүүлсэн оношлогооны технологи, хэрэгжилтийн үр дүн
4. Сувилахуйн тусламж, үйлчилгээний чанар, хүртээмжийг сайжруулахад чиглэсэн шинэ технологи, арга аргачлал
5. Шинээр нэвтрүүлсэн үйлчилгээний технологи, хэрэгжилтийн үр дүн
6. Өөрсдийн бүтээлч санаачилгаар хийсэн оюуны шилдэг бүтээлүүд /боловсруулсан ном товхимол, удирдамж, гарын авлага, төсөл, хөтөлбөр/

Шалгаруулах журам:

1. “Сайн туршлага-2022” арга хэмжээнд 2021 оны 10 дугаар сараас хойш эмнэлгийн тусламж, үйлчилгээний чанар сайжруулах чиглэлээр хийсэн технологи, арга аргачлал, санал санаачилга хамаарна. Арга хэмжээ 2 үе шаттай явагдана.
2. Анхан шатны шалгаруулалт харьяа эрүүл мэндийн байгууллагууд өрхийн эрүүл мэндийн төв болон өөрийн байгууллагын тасаг, нэгжийн дунд зохион байгуулж, номинаци бүрээс шалгарсан шилдэг 2-3 бүтээлийн танилцуулга үр дүнгийн талаарх мэдээллийг Нийслэлийн Эрүүл мэндийн газарт 2022 оны 10 дугаар сарын 27-ны дотор ирүүлнэ.
3. Сайн туршлага арга хэмжээнд ирүүлэх бүтээлд тавигдах шаардлага:
 - Сайн туршлагын нэр
 - Хэрэгжүүлсэн эмнэлэг, тасаг, нэгж, албан тушаалтан
 - Сайн туршлагын танилцуулга /бүтээл, арга, аргачлалын тайлбар, хэрэгжүүлсэн хугацаа, хамрах хүрээ, үр дүн, зарцуулсан төсөв, зураг/
4. 2-р шатны шалгаруулалтад ирүүлсэн материалтай шалгаруулах ажлын хэсэг танилцаж, Нийслэлийн Эрүүл мэндийн газрын харьяа байгууллагын дунд зохион байгуулах “Сайн туршлага-2022” оруулах бүтээллийн жагсаалтыг гаргана.
5. Харьяа эрүүл мэндийн байгууллагууд “Сайн туршлага-2022” сонгогдсон бүтээлийг үйл ажиллагааны зохион байгуулах танхимд байршуулна.
6. Оролцох материалыг биетээр, слайд, зурган болон видео /авчрах боломжгүй бол/ хэлбэрээр авчирна.
7. Ажлын хэсэг шалгуур үзүүлэлтийн дагуу үнэлгээ хийж бүтээлийн чиглэл тус бүрээс эхний 2 байрыг шалгаруулна.

Шагнал урамшуулал:

1. “Сайн туршлага-2022” арга хэмжээнд сурталчилагдсан шинэ бүтээл, технологи, арга аргачлалаас эмчилгээ, оношилгоо, сувилгаа, үйлчилгээндээ

- нэвтрүүлэн, нутагшуулж дэлгэрүүлсэн эрүүл мэндийн 6 байгууллагад өргөмжлөл, мөнгөн шагнал олгоно.
2. “Сайн туршлага-2022” арга хэмжээнд ирүүлсэн бүтээлийн чиглэл бүрээс эхний 2 байр шалгаруулж, өргөмжлөл, мөнгөн шагнал олгоно.
 3. Сайн туршлагаар шалгарсан бүтээлийг “Эмнэлгийн тусламж, үйлчилгээний чанар сайжруулах сайн туршлага”-ын санд бүртгэн “Гэрчилгээ” олгоно.
 4. “Сайн туршлага-2022” арга хэмжээнд оролцсон бүтээл бүрт “Батламж” олгоно.
 5. Шалгарсан бүтээл болон эхний 20-д шалгарсан болон нийтийн хүртээл болохуйц сайн туршлагыг “Сайн туршлага-2022” товхимолд оруулж, НЭМГ-ын цахим хуудсанд байршуулна.

Үр дүн:

Эмнэлгийн тусламж, үйлчилгээнд нэвтрүүлсэн шинэ бүтээл, оновчтой санал, санаачлага, ололт амжилтыг дэмжих, бусдад түгээн дэлгэрүүлснээр тусламж үйлчилгээний чанар, хүртээмж сайжирна.

Нийслэлийн Эрүүл мэндийн газрын даргын
2022 оны 10 сарын 24 ний өдрийн 44 дугаар
тушаалын хоёрдугаар хавсралт



**“САЙН ТУРШЛАГА 2022” АРГА ХЭМЖЭЭГ
ЗОХИОН БАЙГУУЛАХАЖЛЫН ХЭСГИЙН БҮРЭЛДЭХҮҮН**

Ажлын хэсгийн ахлагч

Э.Энхжаргал Чанарын удирдлага, аюулгүй байдлын хэлтсийн дарга

Гишүүд:

Д.Энхтүвшин	Эмнэлгийн тусламжийн хэлтсийн үндсэн тусламж хариуцсан ахлах мэргэжилтэн
Ц.Сонгиносүрэн	Статистик цахим эрүүл мэндийн хэлтийн ахлах мэргэжилтэн
Б.Оюун-Эрдэнэ	Сувилахуй, эмнэлгийн тусгай мэргэжилтний тусламж, үйлчилгээ хариуцсан мэргэжилтэн
Н.Мөнхжаргал	Эрүүл мэндийн тусламж, үйлчилгээний чанар, аюулгүй байдал эрсдэл хариуцсан мэргэжилтэн
Т.Асрагчмаа	Мэдээллийн технологи, цахим эрүүлмэнд, байгууллагын үйлажиллагааны автоматжуулалт, сүлжээ хариуцсан мэргэжилтэн
О.Золзаяа	Ахлах нягтлан бодогч

**“САЙН ТУРШЛАГА 2022” АРГА ХЭМЖЭЭНД ОРОЛЦОГСДЫН
БҮТЭЭЛИЙГ ШАЛГАРУУЛАХ АЖЛЫН ХЭСЭГ**

1. Э.Энхжаргал Чанарын удирдлага, аюулгүй байдлын хэлтсийн дарга
2. Д.Энхтүвшин Эмнэлгийн тусламжийн хэлтсийн үндсэн тусламж хариуцсан ахлах мэргэжилтэн
3. Ц.Сонгиносүрэн Статистик цахим эрүүл мэндийн хэлтсийн ахлах мэргэжилтэн
4. Г.Ганчимэг Эрүүл мэндийн чанарын холбооны тэргүүн /зөвшилцсөнөөр/
5. Эрүүл мэндийн чанарын холбооны төлөөлөл/зөвшилцсөнөөр/

Нийслэлийн Эрүүл мэндийн газрын даргын
2022 оны 10 сарын 24-ний өдрийн 44 дугаар
тушаалын гуравдугаар хавсралт



**“САЙН ТУРШЛАГА 2022” АРГА ХЭМЖЭЭНД ИРҮҮЛСЭН
ШИЛДЭГ БҮТЭЭЛИЙГ ҮНЭЛЭХ ШАЛГУУР ҮЗҮҮЛЭЛТ**

№	Үйл ажиллагаа	Авбал зохих оноо
1. Эмнэлгийн тусламж, үйлчилгээг хөнгөвчлөх, хүртээмж сайжруулах асуудлыг шийдвэрлэн ажилласан байдал.		
1	Нэвтрүүлсэн аргачлал, өртөг тодорхой байх	5
2	Нэвтрүүлсэн технологийн үр дүн	5
3	Нэвтрүүлсэн үйл ажиллагаа хэрэгжихүйц, шинэлэг	5
2. Шинээр нэвтрүүлсэн эмчилгээний технологи хэрэгжилтийн үр дүн		
1	Эмчилгээний технологийн аргачлал	5
2	Хэрэгжилтийн үр дүн, харьцуулалт,	5
3	Хэрэгжихүйц бодитой, шинэлэг байдал	5
3. Шинээр нэвтрүүлсэн оношилгооны технологи		
1	Оношилгооны технологийн аргачлал	5
2	Хэрэгжилтийн үр дүн, харьцуулалт,	5
3	Хэрэгжихүйц бодитой, шинэлэг байдал	5
4. Шинээр нэвтрүүлсэн сувилахуйн тусламж, үйлчилгээний чанар, хүртээмжийг сайжруулахад чиглэсэн технологи		
1	Нэвтрүүлсэн аргачлал, өртөг тодорхой байх	5
2	Нэвтрүүлсэн технологийн үр дүн	5
3	Нэвтрүүлсэн үйл ажиллагаа хэрэгжихүйц, шинэлэг	5
5. Шинээр нэвтрүүлсэн үйлчилгээний технологи		
1	Үйлчилгээний технологи аргачлал, өртөг тодорхой байх	5
2	Нэвтрүүлсэн технологийн үр дүн	5
3	Нэвтрүүлсэн үйл ажиллагаа хэрэгжихүйц, шинэлэг	5
6. Өөрсдийн бүтээлч санаачилгаар хийсэн оюуны шилдэг бүтээлүүд /боловсруулсан ном товхимол, удирдамж, гарын авлага, төсөл, хөтөлбөр/		
1	Шинээр боловсруулсан ном, товхимол, гарын авлага төсөл, хөтөлбөр	5
2	Үйл ажиллагаанд хэрэгжүүлсэн байдал	5
3	Үр дүн хэрэгжихүйц шинэлэг байдал	5